

Tarmie gimtuoji

Na vēina sīki mon girdietē teka,
Kāp žmuonis (tarpē anū retkartēs i jaunesnē žemaitē)
rokoudamis pamēslēj garsē, ka grubi esonti tarmie gimtuoji.
Gal onkstiau pati irgi būčiau anim turavuojusi,
bat dabā savie jauto, ka teisībē gatavā kituoki
i ana praeitie kavuojēs.
Pakaštavuokem: tarmie mūsa gimtuoji skani
kāp kunkuolā babūnelēs putruo,
dā ana dēdlē atgajinga, kāp vondou diedis šulinie
priš kelis šimtus metu atmēnonti onžoula.
Na grubi mūsa tarmie, tiktā ropi –
Kāp rogēnē douna – i švieži kāp kon tik išarta žemē,
pasēruošusi augintē nauji derlio tāj pat,
kāp mūsa pruo tieviu išmīlieta, išpurenta i iškeravuota
skani, gaivi, ropi, švieži žemaičiu tarmie,
atēnonti ligi mūsu par ilgiausius omžius i
pagatava girdietēis i skumbietē naujuos kartuos...

2010